

بسم الله الرحمن الرحيم
الحمد لله رب العالمين والصلاة والسلام على أشرف المرسلين سيدنا محمد صلى الله عليه وعلى آله وصحبه وسلم ثم أما بعد
قال رسول الله صلى الله عليه وسلم

نضر الله امرا سمع منا حديثا فبلغه غيره ، فرب حامل فقه إلى من هو أفقه منه ، و رب حامل فقه ليس بفقيه ، ثلاث لا يغفل عليهن قلب مسلم : إخلاص العمل لله ، و مناصرة الأمر ، و لزوم الجماعة ؛ فإن دعوتهم تحيط من ورائهم و من كانت الدنيا نيته فرق الله عليه أمره ، و جعل فقره بين عينيه ، و لم يأت من الدنيا إلا ما كتب له ، و من كانت الآخرة نيته جمع الله أمره ، و جعل غناه في قلبه ، و أتته الدنيا و هي راغمة

الراوي : زيد بن ثابت - **المحدث :** الألباني - **المصدر :** صحيح الترغيب - **خلاصة حكم المحدث :** صحيح

نبدأ على بركة الله تفريغ محاضرة المراجعة لل ECG
للدكتور محمد الشافعي ، ربنا ييسر ويطلع حاجة كويسة ، المشكلة إنه بيكون رسومات ، فربنا ييسر ونعرف نوصل المعنى الموجود في الشريط على أد ما نقدر بإذن الله ، وسامحونا لو فيه أخطاء غير مقصودة
دلوقتي الساعة الحادية عشر و 4 دقائق مساءً
يوم الثلاثاء الموافق 12 نوفمبر 2013

هبتدي الجزء النظري الأول ،
وبعد كده هبكا أوريكم إزاي نحل ال ECG

بصوا معايا ☺
أولاً ال ECG ،
أنا اللي هتكلمه دلوقتي ، exam oriented
طبعاً اللي خدوا مع الدكتور أشرف زي ، وأستاذي (أستاذي أنا الدكتور إيهاب ، الدكتور إيهاب هو اللي علمني)
طبعاً الكلام بالنسباليهم هيكون أقل من اللي هو خدوه

بس مع دفعتمكم ☺
أنا متوقع إن الدكتور أشرف ، والدكتور إيهاب ، معتقدش إنهم يقدرُوا يتعاملوا مع هذه ال mentality
لكن ،
Anyway

بصوا معايا ☺
ال ECG ،
فيه حاجة اسمها Limb leads (لأن ال electrodes بتتخط على ال limbs زي ما قولتلكم قبل كده)
اللي بتسجل كهرباء من ال Limbs
ودول 6 leads
اللي هما 1 lead ، 2 lead ، 3 lead ، AVR ، AVL ، AVF

وفيه عندنا chest leads
V1, V2, V3, V4, V5 and V6

أنا عايز ال AVR تنسوه خالص ، ماشي ، دا مبدئياً

VISIT...

LANZAROTE
Caliente.COM

الحاجة الثانية ,,

ال ECG الكهرياء بتتسجل على ورق
الورقة بنقسمها إلى مربعات زي ما إنتوا عارفين

فيه مربع كبير ,, متقسم إلى خمس مربعات صغيرة (بالطول وبالعرض)

المربع الصغير ,,

بالعرض بيقيس زمن ($0.04 \text{ second} \ll$)

بمعنى ,,

لو ال P wave (مربعين صغيرين) يبقى زمنهم 2×0.04 (مربع صغير) = 0.08 second

المربع الصغير ,,

بالطول بيقيس فولت

كل مربع صغير (0.1 ملي فولت)

المربع الصغير ,,

بالعرض بيقيس زمن


وبالطول بيقيس فولت

الحاجة الثانية ,, ركزوا معايا لو سمحتم

ال ECG

فيه قواعد في قراءته ,,

دائماً ورقة ال ECG هيجيبها لك كده ,,



lead واحد ,, و lead اثنين ,, و lead ثلاثة

aVR ,, و aVL ,, و aVF

V1 ,, V2 ,, V3

V4 ,, V5 ,, V6

فكل دي ,, هتلاقي مرسوم لك ضربة أو اثنين
يعني تلاقي lead واحد مثلاً جنبها ,, أو تحتها كده P QRS T wave ,, P QRS R wave
وبعدين lead اثنين ,, P QRS T wave ,, P QRS T wave
وبعدين lead ثلاثة ,, ضربتين ,,
فاهمين ولا لا ??? واضح ??

يعني كل Lead بيسجل فيه ضربتين أو ثلاثة
تحت خالص ,, بعد ما يسجل دول
تلاقي حاجة اسمها Long strip

ال Long strip
معناها إنه جه على lead معين ,, وعادةً بيكون lead اثنين
و aVF ساعات
ومسجل بيه عدد كبير من الضربات
مفهوم ولا لا ???
حد فاهم حاجة ??
معاي يا بشمهندسين ???

أول حاجة ,,
تمشي بالترتيب اللي هقولك عليه
الترتيب اللي هتبص على ال ECG لازم تبقا حافظه ,, هتمشي إزاي
واضح ولا لا ??

أول حاجة بنعلق عليها ال rhythm

ال rhythm بنعلق عليه منين ???

من ال Long strip

مااااشي ,,
يعني أول حاجة هنبص عليها ال rhythm
من ال Long strip
عشان نشوف ال rhythm < regular ولا irregular
لو المسافات بين ال RS متساوية
يبقا إيه ???
Regular

لو المسافات بين ال RRR (RS) مش متساوية يبقا إيه ???
Irregular

افرض جابلك ECG مفيهوش long strip ???
دور على أي Lead فيه أكثر من 3 ضربات
أي lead مسجل أكثر من 3 ضربات

عشان تقدر تحكم على ال rhythm
عادةً بتحكم عليه من ال Long strip

طيب ,,

لو ال Long strip مش موجود ,,

يبقا تدور على أي lead مسجل أكثر من 3 ضربات

وقول إذا كان ال rhythm << regular ولا irregular

إسمعنا ,,

3 ضربات ???

لأن ضربتين مش معروف إذا كان regular ولا irregular

لو فيه ضربتين بس مش هتقدر تحكم على ال rhythm

لازم يبقا فيه 3 ضربات أو أكثر

واضح ???

يبقا أول حاجة هنعلق عليها ال rhythm

بعد ال rhythm ,,

هنعلق على ال rate

ال rate بنحكم عليه إزاي ???

بص معايا كده ,,

لو ال rhythm كان regular

يبقا ال rate بيساوي 300 على عدد المربعات الكبيرة بين ضربتين

يعني بص معايا ☺

أنا عندي ضربتين أهم ,, حلو ,,

ما بين QRS ,, QRS وليكن مربعين كبار

يبقا ال rate كام ???

$$150 = 300 / 2$$

طيب ,, لو كان بين ضربتين 3 مربعات كبار

$$100 = 300 / 3$$

واضح ??

ساعات بتحصل مشكلة ,,

تلاقي ما بين الضربتين ,, مربع مربع وحتة

فنعمل إيه ???

بصوا معايا ,,

ممکن تقيس ال rate بإنك تقسم ال 1500 على عدد المربعات الصغيرة

ما بين ضربتين

بمعنى ,, بص كده ,, دا مربع صغير << أدى خمسة ,, ومربع كبير تاني << أدى خمسة ,, وهنا فيه ثلاثة مربعات صغيرة

يبقا 13 مربع صغير

عشان نحسب ال rate في دقيقة

هنقول 1500 علی 13 هيساوی 115.38

هتكتبه 115 ضربة في الدقيقة

ماااشى يا أولاد ؟؟؟

دي عملية تقریبة

مفهوم ولا لا؟؟

الحاجة الثانية ,,

عرفنا کده ال heart rate ,, لو ال rhythm کان regular

طیب،

افرض ال rhythm مكنش regular,, هتعمل إيه؟؟

لوال rhythm < irregular هتعمل إيه ???

لو ال irregular << ال heart rate يتقاس إزاي؟؟؟

عدد الضربات في 30 مربع ، وأضربهم في عشرة

يعني هعد كام مربع ???

30 مربع کبیر

ويعدين ؟؟؟

أعد فيهم عدد الضربات في الثلاثين مربع الكبير

واضح ؟؟؟

يعنى مثلاً,, ولنفترض,,

ان اُدامنا ثلاثين مربع كبير، وفيهم عدد ضربات 5

بيقا ال heart rate كام ؟؟

$$50 = 10 \times 5$$

ہتقولی ،،

هو أنا هقعد أعد 30 مربع كبير ؟؟؟

„

جيب مسطرة ،، 15 سم وحطها من أولها لأخرها ،، دا 30 مربع

المسطرة الـ 15 سم ،، هتحتها على الورقة

من أولها لآخرها 30 مربع

وعد عدد الضربات في الـ 30 مربع ،، متقعدش تعد الـ 30 مربع

مفهوم ولا لا ؟؟؟

يعنى وإنّ رايح الإمتحان ,,

يبقا معاك مسطرة

مفهوم ولا لا ؟؟؟؟ باشمهندسین؟؟ واضح؟؟ إن شاء الله

في المقلمة بتاعتك 😊 في الشنطة

نَجیب برجل ؟!!

لا البرجل دا خليهولك P:
فاضلك واحدة ,, وهرد ,, إنت حر

الحاجة الثانية بقا ,,
بعد ما علقنا ال heart rate وال rhythm

هنعلق على ال Axis

يعني إيه Axis ???

بصوا لي يا شباب ☺ ,, خريجين الثانوية العامة منكم ,, سمعوا عن حاجة اسمها المحصلة
ال English school << vector (ملناش دعوة بيهم P:)
المحصلة ☺

محصلة القوى

كان يقولك إيه ???

لو عندك كذا قوة في كذا إتجاه ,,
كنا بنطلع محصلة القوى أو ال vector
وعادةً محصلة القوى كانت بتبقى أقرب للقوى الأكبر
معايا يا أولاد ???

طيب ,,

إنت عندك SA node ,,
ال SA node بتطلع الكهرباء هنا وهنا وهنا
يعني الكهرباء مبتطلعش في ال SA node في إتجاه واحد
بتطلع في كذا إتجاه ,,
بعد كده ال AV node توصل لل ventricles
والكهرباء تروح ل both ventricles
مش كده ولا إيه ??
في كذا إتجاه ,,

كلمة ال Axis

معناها محصلة الكهرباء دي كلها إتجاهها إيه
المحصلة ☺

يعني إذا كانت ال SA node كده ,,
كلمة Axis إن أنا أطلع المحصلة ,, إتجاهها فين ??
محصلة كل هذه القوى
معايا يا أولاد ولا لا ??
دا معنى كلمة Axis

ال Axis

فيه كذا طريقة يتحسب بيها ,, كذا طريقة
لكن أسهلهم الطريقة اللي هقولك عليها ودي اللي تستعملها
تبص على lead واحد على ثلاثة ,, أو lead واحد على avF

يا دا ,, يا دا

يا واحد على ثلاثة ,, يا واحد على aVF

تبص فيهم على إيه ؟؟

بصوا لي هنا ☺

هتبص على ال QRS

هتبص على إيه ؟؟

ال QRS



هتبص على ال QRS

في Lead واحد ,, لقيت ال QRS < Positive (لفوق)

عارفين يعني إيه Positive ؟؟

يعني لفوق زي الصورة

ولقيت في lead ثلاثة ,,

ال QRS بردو positive

دا normal

لقيت في lead واحد

ال QRS < positive

ولقيت في lead ثلاثة أو ال aVF

ال QRS < Positive

بيقا تقول Axis is normal

Axis is normal

ركزوا معايا كويس أوووي ,,

محصلة القوى ,, دائماً في إتجاه القوة الأكبر

القوة الأكبر هي اللي رايع ليها كهرباء كثير

أكثر حاجة واصلها الكهرباء في ال heart < ال left ventricle

مش هو أتخن حاجة ؟؟؟

أيوة ,,

فبيوصله كهرباء كثيرة

فال axis رايع ناحية ال left شوية

المحصلة ماشية ناحية ال Left شوية

لو ال right ventricle كبر ,,

هبروحله كهرباء أكثر ولا لا ؟؟؟

أه

فال axis يروح فين ؟؟؟ ناحية اليمين ,, يسموها right axis deviation

ولو ال Left ventricle هو الي كبر؟؟؟

يسمونها left axis deviation

فهمتوا ولا لا؟؟؟

طيب ،،

إزاي أعرف ال Left ولا ال right axis deviation

بصوا لي هنا ☺

لو بصيت على Lead واحد ،،

لقيت ال QRS << negative (إتحاها لتحت)

وبعدين


لقيته في lead ثلاثة أو aVF

ال QRS << positive

باصيين لبعض ،،

ال QRS باصين لبعضه

Right Axis Deviation



ال QRS باصين لبعض ،،


بيحبوا بعض ،،

ما دام بيحبوا بعض ،، يبقى لسه مخطوبين

الدبلة فين؟؟؟

في اليمين ،، يبقى دا right axis deviation

Left Axis Deviation



لو لقيت ال QRS

في lead واحد positive

و lead ثلاثة negative

مش طايقين بعض ،، متجوزين

الدبلة فين؟؟؟

شمال ،، يبقى دا left axis deviation

مفهوم؟؟؟

كلمة right axis deviation معناها

Right ventricular enlargement

Right bundle branch block

Left axis deviation ال

Left ventricular enlargement

أو Left bundle branch block

يبقا كده اتكلمنا على ال axis

تاني يا أولاد ,,

أول حاجة اتكلمنا على ال rhythm

وتبص على ال Long strip

ملقتش ال long strip

تشوف أي lead فيه أكثر من 3 ضربات فأكثر

بعد كده أعدد ال rate

لو regular ,,

بقسم 300 على عدد المربعات الكبيرة اللي بين ضربتين

أو بقسم 1500 على عدد المربعات الصغيرة

لو كان Irregular

عدد الضربات في 30 مربع ,, وأضربهم في عشرة

يطلعك ال rhythm

بعد كده ال axis

هنبص على lead واحد على lead ثلاثة (أو aVF)

الأثنين Positive ,, دا ال Normal

لو لقيت Lead واحد و positive و لقيت lead ثلاثة (أو aVF) Negative

يعني بيكرهوا بعض ,, يعني left axis deviation

لو لقيت Lead واحد و negative ,, و لقيت lead ثلاثة (أو aVF) positive

يحبوا بعض ,, يعني right axis deviation

مفهوم ???

نكمل بقا ,,

بعد ما اتكلمنا على ال rhythm وال rate وال axis

هنبص على lead اثنين عشان نعلق فيه على حاجتين :

هنبص على lead اثنين عشان نعلق فيه على حاجتين :

ال P ,, و ال PR

هنبص على lead كام ???

Lead اثنين

عشان نعلق فيه على حاجتين

اللي هما مين ???

ال P ,, وال PR

بص معايا كده ☺

أول حاجة ال P wave ,,

ال P wave شكلها عامل كده

لو عايز الطبيعي بتاعها 2.5 X 2.5

يعني طولها كام ???

2.5 مربع صغير

وارتفاعها كام ???

2.5 مربع صغير

هي في lead كام ???

Lead اثنين

2.5 X 2.5

معايا يا بهوات ولا لا ??? واضح ؟؟

ال P wave ببص عليها ليه ???

بص معايا ,,

مممكن تلاقي ال P wave عريضة ,, أكثر من 2.5 في العرض ,, أكثر من 3 مربعات صغيرة في العرض

دي اسمها P mitral

ودي علامة Left atrial enlargement

حلو ??? واضح ولا لا ???

اسمها P mitral

لو لقيت ال P wave طويلة ,, طولها أكثر من 2.5

اسمها P pulmonale

ودي علامة إيه ???

Right atrial enlargement

طيب ,,

بصوا لي بقا دقيقة واحدة ,, عشان الحنة دي هتتك ,,

كثير منكم ,, بيتخانقوا ,,

واحد يقولك : لا ,, أنا شايفها أكثر من ثلاثة

واحد تاني يقوله : لا ,, أنا شايفها أقل من ثلاثة

لأن المربعات صغيرة أوووي ,, صح ولا لا ???

يا دكاترة ,, ساعات كتيرة أوووي بتتلخبط ,, بتقول دي Normal ولا Mitral

أنا مش قادر أحكم ,, مفهوم ولا لا ???

اتلخبطت !!!!

بص على V1

لو مش قادر تحلف هل دي P pulmonale ولا P mitral ولا Normal

بص على إيه ???

V1



في V1 ,,

ال P wave شكلها biphasic

في V1

ال P wave شكلها biphasic

الجزء الأولاني يمثل ال right atrium

والجزء الثاني يمثل ال left atrium

طبيعي ,,

لأن ال SA node ب activate مين الأول ???

ال right atrium

وبعدين ت activate ال Left ventricle

لأن ال SA node في ال right

فال wave الأولانية مين ???

ال right atrium

وال wave الثانية ???

ال Left atrium

بص بقا ,,

يبقوا الإثنين أد بعض

ال positive أد ال Negative

معايا ???

لو لقيت المنظر عامل كده ,,

ال wave الأولانية ,, أكبر من الثانية ,, يبقى right atrial enlargement

مفهوم ولا لا ???

المفروض ال P wave

تبقي biphasic ,, الأثنين أد بعض (ال Positive ,, أد ال negative)

لو ال Positive أكبر ,, يبقى إنت right atrial enlargement

لو ال negative هو الي أكبر ,, يبقى left atrial enlargement

دا لو إنت مش قادر تحكم من Lead اتنين

أو عايز تأكد كلامك

فاهمين ولا لا ???

کمان،،

بصوا لي ههنا ☺

absent << P wave لو لقيت ال

مش موجوده

is absent << P wave ال

إيه الإحتمالات؟؟؟

AF

irregular << rhythm لوال

بقا AF

طیب ”

لو كان ال rhythm << regular ???

بص معايا 😊

لو كان ال regular << rhythm تبقا إيه ؟؟؟

لو مش شایف P wave

عایزك تبص علی ال QRS

تبص علی ایہ؟؟؟

ال QRS

لِيَهْ بَقَا ؟؟؟

لو لقيت ال QRS << wide

يعنى إيه wide ???

ال QRS الشكل الطبيعي بتاعه 3 مربعات صغيرين

من أوله لآخره (3 مربعات صغيرين)

لقيت منظره أكثر من 3 مربعات صغيرين

یبقا العیان دا عنده Wide QRS یبقا العیان ده عنده :

Ventricular tachycardia 6 •

- Ventricular fibrillation

مااااشی؟؟؟

لكن،

لو لقيت ال QRS << narrow ???

يبقا حاجة من اتنين :

- supra ventricular tachycardia

Nodal rhythm •

تفرق بینهم إزای؟؟؟

rate بال

ال supra ventricular tachycardia << هتبقا سريعة

لكن ..

ال Nodal rhythm بيبقا بطيء

مفهوم ؟؟

لو لقيت منظرها عامل كده .. Sawtooth appearance

يبقا atrial flutter

سمّع معايا يا بني آدم ..

Lead اتنين بنعلق فيه على كام حاجة ؟؟؟

اتنين

ال P وال PR

ال P wave طولها ؟؟؟

2.5 X 2.5

هنبص على P

لو عريضة تبقا إيه ؟؟؟

(left atrial enlargement) P mitral

لو طويلة ؟؟؟

(right atrial enlargement) P pulmonale

لو مش متأكد ؟؟؟

نبص على ال P wave في ال V1

خلاااااص ؟؟

لو لقيت ال P wave << Sawtooth << بيبقا Atrial flutter

لو لقيت ال P wave مش موجودة <<

لو كان ال rhythm << irregular << بيبقا AF

لو كان ال rhythm << regular

نبص على ال QRS

: Wide

• يا Ventricular fibrillation

• يا ventricular tachycardia

: Narrow

• يا supra ventricular tachycardia

• يا Nodal rhythm

ونفرق بينهم إزاي ؟؟

ال supra ventricular tachycardia سريعة

ال Nodal rhythm بطيء (وال nodal rhythm متنزلش الإمتحان)

مفهوم ولا لا؟؟

باشمهندسين؟؟

بعد كده ،،

بعد ما علقنا على ال P wave

معاييا يا بشمهندسين؟؟

هنعلق على ال PR interval

رقم خمسة ،، هنعلق على ال PR

في Lead كام؟؟؟

اتنين

ال PR ،،

هي المسافة من أول ال P لأول ال QRS

Normally << من 3 إلى 5 مربعات صغيرين

حلو؟؟

يعني من 0.1 إلى 0.2 << second

المربع الصغير الزمن بتاعه

0.4 ثانية

يبقا

$0.12 = 0.04 \times 3$ ثانية لا مؤاخذه

و

$0.20 = 0.04 \times 5$ ثانية لا مؤاخذه

بغض النظر ☺

هنبص على ال PR

ال PR ممكن تبقا | normal

أو ،،

لقيت ال PR << prolonged

يعني أكثر من 5 مربعات صغيرين

يبقا دا 1st degree heart block

تبقا إيه؟؟؟

First degree heart block

طيب ،،

لو ال PR أقل من 3 مربعات صغيرين؟؟؟

(Wolff-Parkinson-White) WPW

لو ال PR << variable

يعني إيه variable ???

بص معايا كده ☺

لو ال PR variable يعني إيه ???

بصيت على Lead اثنين

لقيت المنظر الأتي :

P QRS ,, وبعدين P QRS ,, وبعدين P QRS

ال PR << variable

وأنزل صورة من كتاب جولدبرجر بتاع ال ECG جايز توضح كلام دكتور محمد الشافعي الي أنا مش شايفه للأسف

Multifocal Atrial Tachycardia




Figure 14-11. Multifocal atrial tachycardia. Note the rapidly occurring P waves showing variable shapes, variable PR intervals, or both.

دا معناه إيه ???

Variable QRS

نروح باصيين على ال QRS

لو لقيت ال QRS << wide

يبقا دا complete heart block

Complete heart block

لو لقيت ال QRS << wide

يبقا complete heart block

يعني إيه كلمة wide QRS ???

يعني ال QRS << أكثر من 3 مربعات صغيرة

يبقا العيان عنده complete heart block

لو لقيت ال QRS << narrow

يبقا إنت second degree heart block

الي هو Mobitz one ,, و Mobitz two

فاكرين ,, ال Wenckebach !!!

مش ال PR كانت بتطول !!!

فاهمني ولا لا ؟؟

لو wide QRS يبقا إنت إيه ???

Complete heart block

لكن ،،

لو Narrow QRS ???

يبقا إنت second degree heart block

واضح؟؟ دا ال PR

نيجي بقا على ال QRS

بس قبل ما ندخل ال QRS ،، عايز أسمع من الأول ☺

يلا يا أولاد ،،

في الأول بنعلق على إيه؟؟؟

ال rhythm

بنبص عليه فين؟؟؟

في long strip

يا إما ،، يا إما؟؟؟

يا إما regular ،، يا إما irregular

ملقتش long strip

تدور على أي lead فيه أكثر من ضربتين

بعد كده بنبص على ال rate

لو ال rhythm << regular ???

بنقسم 300 على عدد المربعات الكبيرة بين ضربتين

أو بنقسم 1500 على عدد المربعات الصغيرة بين ضربتين

لو ال rhythm << Irregular ???

بنشوف عدد الضربات في 30 مربع كبير ،، وأضربهم في 10

واضح؟؟؟

باشمهندسين؟؟

اللي بعده ،،

ال Axis

ال axis بنبص في lead كام على كام؟؟؟

Lead واحد على Lead ثلاثة (أو aVF)

- لقيت Lead واحد Positive و lead ثلاثة (أو aVF) Normal axis deviation << positive
- لقيت lead واحد positive و lead ثلاثة (أو aVF) negative << بيكرهوا بعض left axis deviation
- لقيت lead واحد negative و lead ثلاثة (أو aVF) positive << بيحبوا بعض right axis deviation

بعد كده ،، بنبص على Lead اتنين

عشان نعلق فيه على حاجتين اللي هما :

- ال P wave

• وال PR interval

لو ال P wave << Normally
2.5 X 2.5

لو لقيتها عريضة << P mitral
يبقا left atrial enlargement

لو لقيتها طويلة << P pulmonale
يبقا right atrial enlargement

لو مش قادر تحكم من Lead اثنين
هتبص على ال P wave في V1
ال P wave << biphasic يعني مكونة من جزئين (جزء positive و جزء Negative)
الجزء الأولاني يمثل ال right atrium
والجزء الثاني يمثل ال left atrium

لو الجزء الأول أكبر من الثاني يبقا right atrial enlargement
لو الجزء الثاني أكبر من الأول يبقا left atrial enlargement

بعدين ,,
لو لقيتها Sawtooth
يبقا atrial flutter

لو لقيت ال P wave << absent نشوف ال rhythm :

- يا Regular
- يا irregular

لو لقيت irregular ???
يبقا AF

لو لقيتها regular ???
تبص على ال QRS

لو Wide QRS ???

- يا Ventricular tachycardia
- يا ventricular fibrillation

لو ال QRS << Narrow ???

- يا supra ventricular tachycardia
- يا Nodal rhythm

تفرق بينهم إزاي؟؟؟

rate بال

ال supra ventricular tachycardia << هتبقا سريعة

لكن ،،

ال Nodal rhythm بيبقا بطيء

مفهوم ولا لا ؟؟؟

لو بصينا على ال PR

هنبص عليها في lead كام ؟؟؟

Lead اتنين

ال PR << Normally كام ؟؟؟

3 إلى 5 مربعات صغيرة

لو أكثر من 5 مربعات صغيرة ؟؟؟

يبقا first degree heart block

مفهوم ولا لا ؟؟؟

لو أقل من 3 مربعات صغيرة ؟؟؟

يبقا WPW (Wolff-Parkinson-White)

لو variable PR interval ؟؟؟

نبص على ال QRS :

- لو كان wide QRS << يبقا complete heart block
- لو كان narrow QRS << Second degree heart block

خلي بالك

• WPW (Wolff-Parkinson-White) (Preexcitation syndrome)

• أو Nodal

مبتجيش في الإمتحان

واضح ؟؟؟

هنعلق على ال QRS فين ؟؟؟

هنمشي زي ما هقولك بالظبط ،،

هنعلق على ال QRS فين ؟؟؟

زي ما هقولك بالظبط ☺

هيبتي ال comment على ال QRS

إنك تبص في V1

تبص فين؟؟؟

في V1

لو لقيت في V1 << أذني أرنب ☺

RSR'

دا right bundle branch block

عايزين تعرفوا جت منين؟؟؟ لا

اسمها RSR'

لقت أذني أرنب ☺ في V1 يبقى إنت right bundle branch block

ملقتش ..

تروح ل V6

تاني ..

إنت بصيت على V كام؟؟؟

V1

بتدور على إيه؟؟؟

ودنين أرنب

ملقتش؟؟؟

أروح على V6

لو لقيت ودينين أرنب في V6

يبقا left bundle branch block

مفهوم ولا لا؟؟؟

دكاترة؟؟؟

لو لقيت RSR' في V1

يبقا إنت right bundle branch block

ملقتش ..

تروح على V6

لقيت ودينين أرنب .. يبقا إنت left bundle branch block

ملقتش ..

ارجع تاني ل V1

هترجع تاني لمين؟؟؟

V1

بصوا لي هنا ☺

ال V1 << normally المنظر بيبقا عامل كده

فاكرين ال P wave كانت biphasic



وبعد كده ال RS
دا المنظر ال Normal

خدوا بالكم يا أولاد ,,
مش كل ال ECG ,, QRS
مش كله كده

ال ECG بيصور ال heart ولا لا ؟؟؟ أه

بيصور الكهرباء بتاعت القلب ,,
طيب ,,

أنا بحط electrodes هنا ,, **باصص على ال heart من أدام هل هيكون زي اللي باصص على ال Heart من الجنب ؟؟؟**
لا ,,

أكيد دي شايقة صورة غير اللي شايفها اللي أدام
مفهوم ولا لا ؟؟؟
شباب ؟؟؟

مش كل ال ECG فيه ال QRS بالمنظر اللي إنت متخيله
معايا يا أولاد ؟؟

بصوا معايا ☺

ال Q wave تعريفها ,, دي أول negative wave بعد ال P wave
ال R wave ,, أول Positive بعد ال P wave
يعني أنا ماشي من ال P wave ,,
لقيت حفرة < تبقا Q wave
طلعت جبل < يبقا R wave

ال S wave

أول negative بعد ال R wave

يعني طلعت جبل ,, روجت نازل حفرة تانية يبقا إيه ؟؟؟
S wave
مفهوم ؟؟؟

ركزوا معايا ,,

في V1 بتبقا RS < normally

أقولها لكم ليه ولا بلاش ؟؟؟

بصوا ,, هي سهلة ,, هي للفهم ,, مش للإمتحان

بصوا يا أولاد ☺ فيه قاعدة في ال ECG

إن الكهرباء لو رايحة ناحية ال electrode < يقرأها positive

لو الكهرباء رايحة ناحية ال electrode

يقرأها Positive

لو الكهرباء رايحة بعيد عن ال electrode

يقرأها Negative

موافقون ولا لا ؟؟؟

فيه قاعدة ,,

لو الكهرباء رايحة ناحية ال electrode الي بيسجل (رايحة في إتجاهه)

يقرأها Positive


لو الكهرباء رايحة بعيد عنه ,, يقرأها negative

فبصوا معايا الله يرضي عليكم ,, مش عايز غباء

هقولها مرة واحدة

دا ال heart ,,

وذا ال Inter ventricular septum



دي ال AV node ,, وبعدين bundle of His

وبعدين right bundle ,, و left bundle

صح ؟؟؟

فيه عندك هنا V1 و V2 و V3 و V4

و V5 و V6

دول بيسجلوا وهما اسمهم ال chest leads

طيب ,,

الكهرباء بتنزل من ال AV node على ال bundle of His

صح ؟؟ تمام

وبعد كده هتنزل في ال septum

مين الي activate ال septum ؟؟؟

ال left bundle branch

وكده الكهرباء ماشية from left to right

يعني ال Left هو الي بيحصله activation الأول

طيب ,,

V1 يقرأها إيه ؟؟؟

Positive

بعد كده الكهرباء هتروح لل right ventricle وال left ventricle

At the same time

مين الي قريب ل V1 ؟؟؟

ال right

فيقرأ ال right الأول

صح ولا لا ???

الكهرباء في ال right ماشية كده ,, يقرأها Positive
وبعد كده يسجل ال left ,, ال left الكهرباء ماشية فيه كده ,, يقرأها Negative

ليه رسمت ال Negative أكثر من ال Positive ???

عشان ال Left ventricle طالع منه كهرباء أكثر

فيقت المنظر عامل كده ,, r S

في V1 < r

حيث ال r تمثل ال septum و right ventricle

وال S

ال Left ventricle

أي مشكلة ,,

في ال right ventricle أو ال septum

هتبان في ال r

وأي مشكلة في ال left ventricle

هتبان في ال S

طيب ,, ما تقرأوا معايا V6

بصوا لي هنا ☺

الكهرباء ماشية في ال bundle of His

هتمشي في ال septum فين ???

بعيد عنه ,, يقرأها negative

يعني تحت < Q

بعد كده الكهرباء ,, تمشي في ال ventricle

مين أقربله ???

ال left ventricle

يقرأها إيه ???

Positive

وبعدين يسجل ال right


يقرأها إيه ???

Negative

s wave

عشان كده في V6 تلاقي ال QRS

وتبقا ال Q تمثل مين ???



ال septum

وال R ؟؟

ال Left ventricle

وال S ؟؟؟

ال right ventricle

وبالتالي ,, لو عندك right ventricular enlargement

في V1 تبان فين ؟؟؟

في ال r

فتلاقي ال R طويلة

لو ال left ventricular enlargement

هتبان في ؟؟؟

ال S

طيب ,, في V6

عندي ال Q تمثل ال septum

وال R تمثل ال left ventricle

وال S تمثل ال right ventricle

لو عندي right ventricular enlargement

هيطهر في V6 في صورة S كبيرة

لو عندي left ventricular enlargement

هيطهر في V6 في صورة R كبيرة

طيب ,,

هسألکم سؤال سخيـف ,,

لو عندك septal hypertrophy

في V1 يبان فين ؟؟؟

في ال R

وفي V6 ؟؟؟

في ال Q

حد فهم أي قطران ☺

مفهوم ولا لا ؟؟؟

يا دكاترة ,, بصوا لي هنا ☺

إحنا قولنا هنروح ل V كام الأول ؟؟؟

V1

V1 ,, أبص على ودين أرنب
لو لقيت ودين أرنب << right bundle branch block

لو ملقتش ,,

أروح لفين ???


على V6

لو لقيت ودين أرنب << left bundle branch block

نقدر نقول ليه بقا ☺

بصوا معايا كده ☺ ,, لو عندي right bundle branch block

ال right مقفولة



تعالوا نشوف إيه اللي هيحصل ???

بصوا معايا كده ,, ال right bundle مقفول

تعالوا نشوف V1 هيطلعنا إيه ??

الكهرباء هتمشي في ال septum

مين اللي بيعمل activation لل septum ???

Left ال

فهنقرأ ال r

وبعد كده الكهرباء تروح لل Left ventricle

هيقرأها إيه ???

S

الكهرباء بعد كده ,, تمشي في ال wall عشان تعمل activation لل right ventricle

إيه رأيك ???

تعمل R'

أقول ثاني ???

عندي ال right bundle branch مش موجود

الكهرباء هتمشي في ال septum الأول ,, صح ???

تمام ,,

هتعمله activation

From left to right

هنقرأها r (Positive يعني)

لأن الكهرباء رايحة ناحية V1

بعد كده الكهرباء هتروح لمين ???

لل left ventricle (عن طريق ال left bundle branch)

الكهرباء بتبعد عن V1

يقرأها S (negative)

طيب ,,

وال right ventricle ???

الكهرباء هتمشي في ال wall

عشان تروحله ,,

فال right ventricle يبقا activated ولا لا ???

يبقا activated ,, بس متأخر

والكهرباء هتبقى ماشية كده (ناحية V1)

يقرأها V1 إيه ???

R'

R زيادة يعني ☺

طيب ,,

تتكلم على ال left bundle branch block

تعالوا نشوف في V6 ,,

ليه يبقا عندهم ودنين أرنب ☺

هنقفل مين ???

ال left bundle branch

لما ال Left bundle branch يبقا مش موجود

يعني اللي موجود بس ال right bundle branch

بصوا لي هنا ,, إيه اللي يحصل ,, عشان هيبقا فيه مشكلة

الكهرباء هتيجي في ال septum

مفيش left bundle

مين اللي هيعمل دلوقتي activation لل septum ???

ال right bundle branch

فالكهرباء تبقا ماشية من ال right لل left

صح ولا لا ???

الكلام ده للأسف مش سامعه كويس ,,

بعد activation لل septum يقرأها إيه ??

Positive

الكهرباء تروح لل right ventricle

يقرأها إيه ???

negative

وبعدين الكهرباء تمشي في ال wall عشان تعمل activation لل left ventricle

يقرأها positive

فيكون عنده RSR'

ننسى كل اللي أنا قولته ,,

ونرجع لودنين الأرنب ☺

يقولك RS و R زفت
نرجع لطب الهجايس ,, مفيش أحلى منه

V1
لو لقيت ودينين أرنب ,, يبقا right bundle branch block
ملقناش ودينين أرنب ,,
نروح على V6
لو لقينا ودينين أرنب ,, يبقا left bundle branch block
ملقناش ودينين أرنب
نرجع تاني ل V1

هرجع لمين ???

V1

ببص في V1 على إيه بقا ???

لو في V1 ,, لقيت ال R أكبر من أو تساوي ال S
يبقا عندك right ventricular enlargement

فاكرين ال r تمثل مين يا أولاد ???

ال septum وال right ventricle
لقيت المنظر عامل كده ,, ال R أكبر من ال s
(في V1 إنه يكون ال r أصغر من ال S ,,
ممکن تقرأ تفاصيل أكثر في مذكرة الدكتور أشرف زي
وهتعرّف إنها ماشية بالتدريج ,, إن ال S بتدأ كبيرة من ال V1 وتفضل تصغر لغاية ما توصل V6 يعني
والعكس بيحصل في R wave بيدأ صغيرة من ناحية ال V1 وتفضل تكبر لغاية ما توصل V6
الموضوع مش بالظبط اوووي زي ما قولت كده بس العملية ماشية تدريجية
بس بقولها لك بالطريقة دي عشان تفتكرها
ملحوظة تانية ,, كان الدكتور أسامة محمود في ال ECG كان بيقلها بالنسبة لكتابة r بال small letter ,, أو كتابتها R << capital letter
دا لما يكون شكل ال R كبيرة ,, بنكتبها capital
لكن ,,

لو ال r صغيرة ,, بنكتبها Small
وكذلك ال S wave لو كبيرة بتكتب (capital) S ولو صغيرة بنكتبها (small)
عذراً إني في التفريغ دا مش ملتزم بالنص أوووي يعني ,, بس أوقات كثيرة لو التزمت بالنص ,, ممكن تتوه من تكرار الدكتور أو بعض
المقاطعات يعني ,, بس إن شاء الله يطلع حاجة كويسة وتفيدكم بإذن الله
وأسيبكم مع الدكتور محمد الشافعي

فاكرين ال r تمثل مين يا أولاد ???

ال septum وال right ventricle
لقيت المنظر عامل كده ,, ال R أكبر من ال s
المفروض ال r صغيرة ,, صح ولا لا ??
لقت ال R أكبر من أو تساوي ال S << يبقا right ventricular enlargement

ملقش؟؟؟

أروح على V6
(أنا مشي ما بين V1 و V6)
بصوا لي هنا يا أولاد ,,
بروح على V6
ال ECG عامل كده ,, P QRS T
حيث ال Q تمثل ال septum
وال R تمثل ال left ventricle
وال S تمثل ال right ventricle
معايا ؟؟

لو لقيت ال R أكبر من أو تساوي 5 مربعات كبيرة ,,
يبقا عندك left ventricular enlargement
مش ال R تمثل ال Left ventricle

وال Q كانت تمثل ال septum
وال S تمثل ال right ventricle
معايا يا باشمهندسين ؟؟

تاني يا ولد ,, تاني يا ولا ,,
لو رحت V1 ولقيت ودين أرنب يبقا؟؟
Right bundle branch block
ملقش ,,

أروح فين؟؟؟
ال V6
أدور على إيه؟؟؟
ودين أرنب
لو لقتها؟؟؟
Left bundle branch block

ملقش؟؟؟
أرجع لـ V1 تاني
لقيت ال R أكثر من أو تساوي ال S ,, دي علامة right ventricular enlargement
أو septal hypertrophy (بس ال septal hypertrophy مينزلش الإمتحان)
مفهوم ولا لا ؟؟

ملقش ,, أروح فين؟؟؟
على V6
لو لقيت ال R أكبر من 5 مربعات كبيرة؟؟؟
يبقا left ventricular enlargement

بس أنا عايز أقولك على حاجة ,,
لو سمحت ,, متبصش على V1 بس ,,

بص على V1 و V2

و V5 و V6

لو سمحت ,, عشان تأكد كلامك ,, ماشي يا ولد

بصوا يا أولاد ,,

روحت V1 بدور على ودينين أرنب ,, ملقتش

روحت V6 بدور على ودينين أرنب ,, ملقتش

روحت ل V1 ملقتش ال R أكبر من أو تساوي ال S

روحت رايح على V6 ملقتش ال R أكبر من 5 مربعات

هتبص على ال QRS في كل leads

هتبص على ال QRS في كل leads

هندور على إيه بقا في ال QRS في كل Leads ???

بصوا يا أولاد ,,

ندور على حاجة اسمها Pathological Q

ندور على حاجة اسمها إيه ???

Pathological Q

ال Pathological Q ليها تعريفين

ال Pathological Q ليها كام تعريف ???

تعريفين :

• التعريف الأولاني ,, إذا كانت Q بس

يعني P Q T ,, ال complex كله عبارة عن Q

• أو ال Q تبقا أكثر من 1/3 ال R اللي بعدها

لو ال Q أكثر من ثلث ال R يتقال عليها Q pathological

واضح ??

يتقال عليها إيه ???

Pathological Q

لو لقيت pathological Q ,,

يبقا إنت عندك Old myocardial infarction

بس لو سمحت ,,

متقولش Old بس

لو لقيت pathological Q :

في اثنين وثلاثة و aVF ,, يبقا Old inferior MI

أوووك ???

لوفيتت Pathological Q :
في V1 و V2 و V3 و V4
يقا old anterior MI

لوقيت pathological Q :
في V5 و V6
يقا old lateral MI

[illegible]

بصوا يا أولاد ,,
فيه فرق كبير ,, بين واحد عايز يعلمك ,,
على فكرة في الإمتياز
في الإمتياز بنعرف مين أخذ مع أشرف زكي
Spot diagnosis
ملوش حل ,, تلاقيه راح جاييلك ال ECG
يقولك : left anterior hemi-block ومعاه left ventricular enlargement
تلاقي واحد جانبه بيقوله : هاهنا!!!!!! يعني إيه !!! يعني مين ال left anterior بتاع دي !!!!
Spot diagnosis

مين يا ابني؟؟
 أشرف زي ,, أو الدكتور إيهاب طبعاً
 الدكتور إيهاب يا أولاد ,, أستاذي أنا ,,
 أنا كنت قاعد أدأمه ,, قاعد قعدتكم دي أدأمه
 هو اللي علمني ولا دي اسمها ECG ,, هو اللي قال كده

كنت بقعد أدامه القعدة الي إنتوا قاعدينها دي
وياما اتشمت يعني
هو عشان الدكتور كبر سنًا فبقا مُجهد إنه يشتمكم
لكن ،،
أيامنا إحنا كان الدكتور إيهاب لسه برونقه ،، فكان واخذنا رايح جاي ،،
دا أنا وشي جاب دم
ومع ذلك ،، الراجل ده ليه فضل غير طبيعي
وأشرف زكي ليه فضل على مصر ،، في إنه يعلم الطلبة إزاي يبقا دكاترة محترمين

كُونْ إِنْ فِيهِ نَاسٌ يَقُولُكَ : بِيَطُولُ ,, بِيَدِينَا عِلْمُ ,, بِيَقْعُدُ يَشْرَحُ كَثِيرُ ,, كَثِيرُ
يَا نَهَارُ تَبَيَّيْتُ ,, زَعْلَانٌ مِنْ وَاحِدٍ بِيَشْرَحُكَ Over
الطَّبِّ مَشْ كَدَه ,, الطَّبِّ أَقْلٌ مِنْ كَدَه ☹

يا جزمة ،، زعلان إن الواحد يفهمك يا حيوان ،،

يقولك : هو مبعيش في الإمتحان

ما هو بيحي في عيان يا حيوان

„ لا „ لا

فيه حاجات في البلد دي ,, أقسم بالله ,,

واحد زي أشرف زي ،، أو الدكتور إيهاب لو موجودين في أي دولة في العالم

غير البلد دي ,, كانت الناس فعلاً تعرف تديهم مقامهم

لكن،

للأسف الشديد ,, للأسف الشديد ,, ويطلع شوية عيال معفين ,, جربانة جرب أزلي

يقولك : أشرف ضيعنا ,, مبعرفش أقرأ ECG وإدهولنا في 12 حصة

حيوانا الان

واحد بيتدي معاك ال ECG من أول فكرة الجهاز إيه ؟؟

والورقة ,, وإزاي ؟؟ وبتكتب إزاي ؟؟ ويعملك ECG

وإنت تقول : ECG < 12 حصة لبيسيه !!!

هو الي غلطان فعلاً,,

والله العظيم غلطان ،، غلطان إنه يتعامل مع أشكالكم

يقولك : إديني ECG ,, ربع ساعة أحبك 😊 ,, أحبك موووووت

أغنيا غباء القرد

والله العظيم ,, أغنيا غباء القرد

بغض النظر ،، سيبك من الكلام ده

بندور علی pathological Q

ال Q pathological بدور عليها فين ؟؟؟

leads في كل ال

لو لقيت في اثنين وتلاثة و aVF

old inferior MI يبقا

لقيت في V1 و V2 و V3 و V4

old anterior MI يبقا

لقت في V5 و V6

old lateral MI يبقا

لقيت في واحد و aVL

High lateral يبقا

واضح ؟؟؟

وأضيف لكم الـ topographism عشان المعني يوضح ,, وأنقل جزء من محاضرة للدكتور محمود علام ,, وجزء هضيفه من كتاب أشرف زكي
 عشان الصورة توضح بإذن الله
 علاقة الـ Wall of the heart بالـ leads of ECG
 دي اسمها topographism
 عشان كده لما نبص على رسمه القلب
 إحنا نقولك اعمله هنا topographism
 يعني إيه أعمله topographism ???
 يعني شوفلي مجموعة الـ Leads اللي تمثل هذا الـ artery او هذا الـ wall
 هما مين ???
 وبالتالي أقول هو anterior ولا Inferior ولا Lateral ولا ايه بالظبط

Leads	Wall
II - III - aVF	Inferior
I - aVL	High lateral wall
V1 - V2	Septal (antro-septal)
V3 - V4	Strict anterior
V5 - V6	Low lateral
V1 - V3R V6R	RV free wall
Louis Leads	Atrial Activity
N.B. posterior wall potentials are recorded in the anterior leads as a mirror image for waves provided to be drawn in the posterior leads because posterior leads are technically difficult to be made.	

ملقتش pathological Q ???
 بُص على الـ width of the QRS (عَرَضُه)
 لو لقيت العرض أكثر من 3 مربعات صغيرة
 يبقى أنت بتتكلم على wide QRS

وإحنا already كنا مشخصينه من قبلها ,,
 لما كنا في الـ P
 لو wide QRS :

- Ventricular tachycardia يا
- Ventricular fibrillation يا

مفهوم ولا لا ???

خلصنا من ال QRS

لو wide QRS ,, إحنا قولنا وهي معاها P wave

هنسمعها ثاني من الأول إن شاء الله

بعد ,, ما علقنا على ال QRS

هنبص على ال ST segment في كل ال leads

هنبص على مين ???

ST segment في كل ال leads

بصوا لي هنا ☺

ال ST segment ,,

لازم تبقا على نفس الخط بتاع ال PR

يبقوا على خط واحد ,, مفهوم ولا لا ??

لو حصل ,,

ولقيت ال ST segment عامله كده ,,

ال ST segment << elevation

إيه اللي يعمل ST segment elevation إنها تكون فوق ال PR ???

ركزوا معايا ☺

• Pericarditis

• Myocardial infarction

• Prinzmetal's angina

مش كده ولا إيه ???

أفرق بينهم إزاي ???

ال Pericarditis ,,

ال ST segment elevation هيكون في كل ال Leads

Angina و Myocardial infarction

هيكونوا في some leads

طيب ,,

أفرق بين angina و myocardial infarction إزاي ???


Cardiac enzymes

هتبقا عالية في ال infarction

وال timing ,,

يعني لو عدت ال ECG بعد نص ساعة ,, لقيت ال ECG لسه elevated

يبقا myocardial infarction



لأن ال angina بتتعد عشرين دقيقة ,, مفهوم ولا لا ؟؟؟

طيب ,,

ST segment depression

فيها مشكلة ,, ركز معايا الله يرضى عليك

ركز معايا ,, عشان فيه حته غبية

ST segment depression

بصوا لي هنا ☺

ال ST segment depression إيه اللي يعملها ؟؟؟

- ال Digitalis
- ال Hypokalemia
- ال angina
- ال Myocardial infarction
- ال Pericarditis
- ال cardiac hypertrophy
- ال bundle branch block

يا دكاترة ,,

بصوا لي هنا دقيقة واحدة ☺

ال ST segment depression سببها digitalis ,, pericarditis ,, hypokalemia ,, angina ,, myocardial infarction bundle branch block ,, Hypertrophy

سؤالي ليكم ,,

إزاي أفرق بينهم ؟؟؟

- ال Digitalis
- ال hypokalemia
- ال pericarditis

دول diffuse ST segment depression

في كل ال Leads

دا ال ST segment depression في كل ال Leads

مفهوم ولا لا ؟؟

بنفرق بينهم إزاي ؟؟؟

ال digitalis بالذات ليه منظر ,,


ال ST segment depression بيبقا عامل كده ,, بيسموها sagging

مبجيش ليك في الإمتحان

ال Hypokalemia ولا pericarditis

ال hypokalemia

Digitalis effect



بنعرفها بإننا نقيس ال serum potassium

Pericarditis ال

بنعرفها clinically ,, بإن ال pain << stitchy

يعني اللي بجيلك في الإمتحان

لو ال ST segment depression في كل ال Leads

يبقا digitalis

مفهوم ولا لا ???

طيب ,,

لو some leads ???

- يا angina
- يا myocardial infarction
- يا hypertrophy
- يا bundle branch block

ركزوا معايا أووووي ,,

بصوا لي يا أولاد ,,

ST segment depression

في V1 و V2 و V3

دول ال Leads بتاعت ال right ventricle

لو فاكرين ,,

إحنا كنا راسمين ال right ventricle كده ,,

كان هنا V1 و V2 و V3

فال ST segment depression

في V1 و V2 و V3

بيحصلوا مع ال right ventricular hypertrophy

وإنتوا كنتوا بتسموها strain pattern

كان يقولك : right ventricular hypertrophy


With strain pattern

أو ناس كانوا بيسموها secondary changes

مفهوم ولا لا ؟؟ واضح ???

لو left ventricular enlargement

هيعمل ST segment depression في V4 و V5 و V6



لأن مينفعش أعملهم Exercise ECG ,, لأن already عندهم ST segment depression (مش كده يا أولاد ولا لا ؟؟؟ كده ☺

فاضل أعلق على مين ؟؟؟

T wave ال

بص يا ااد ,,

لو قولت ,, ال ST segment elevation

قول معاها Hyper acute T

لو قولت ,, ST segment depression

هتقول معاها T wave ineversion

سمّع معايا ال ECG ,, ال ECG خلص

فاضل حاجة بسيطة إن شاء الله

أنا بتكلم Exam oriented

بص يا ولا ,,

سمّع ECG من الأول ,,

أول حاجة بتعلق عليها إيه ؟؟؟

ال rhythm

ال rhythm strip ,, بتعلق على إيه ؟؟؟

ال rhyhm

Regular ولا irregular

ملقتش long strip ؟؟؟

تدور على أي lead ,, فيه أكثر من 3 ضربات

بعد كده ,,

بعلق على ال rate

لو ال rhythm regular ؟؟؟

بقسم 300 على عدد المربعات الكبيرة بين ضربتين

أو بقسم 1500 على عدد المربعات الصغيرة بين ضربتين

لو ال rhythm كان irregular ؟؟؟

أحسب عدد الضربات في 30 مربع كبير ,, وأضربهم في عشرة

خلصت

بعد كده Axis

ببص على lead واحد على lead ثلاثة (أو aVF)

• لقيت Lead واحد Positive و lead ثلاثة (أو aVF) positive << Normal axis deviation

- nodal rhythm 6 ●

مفهوم ولا لا ؟؟

باشمهندسین؟؟

الي بعدہ ؟؟؟

PR interval ال

ال PR << normally ???

من 3 إلى 5 مربعات صغيرة

مش کده ولا لا؟؟

يا باشمهندسین؟؟

لو لقيتها أطول من خمسة مربعات صغيرين؟؟

first degree heart block يبقا

لو لقيتها أقل من ثلاثة مربعات صغيرين؟؟؟

WPW

لو لقيتها Variable PR interval ؟؟؟

هنبص على ال QRS :

- complete heart block << wide QRS

- second degree heart block << narrow QRS

مااااشی؟؟

بعد کده هنبص علی ال QRS

هنروح ل V1

لو لقينا ودنين أرنب ,, بقا right bundle branch block

ملقتش,,

أروح فين؟؟؟

علی V6

لو لقيت ودنين أرنب,, يبقا Left bundle branch block

أوعى تنسى ،،

تبص على ال ST segment

right bundle branch block لوقت

هتلاقى ST segment depression و T wave inversion في V1 و V2 و V3

مفهوم ولا لا؟؟

left bundle branch block لو لقت

متلاقی ST segment depression و T wave inversion في V4 و V5 و V6

secondary changes بسموها

اسمها ایہ؟؟؟

Secondary changes

إديني الي بعده ☺

V1 ملقتش ودنن أرنب

روح V6 ملقتش ودين أرنب

أرجع ملين ؟؟؟

V1

لو لقيت R أكثر من أو تساوي ال S
right ventricular enlargement دا

بعد کده أروح ملين؟؟؟

V6 J

left ventricular enlargement لو لقت R أكثر من خمس مربعات كبيرة ,, يبقا

افرض ملقش ؟؟؟

هَبْص على ال QRS complex في كل ال Leads

أدور علی pathological Q

لو لقيتها ،

old myocardial infarction يبقا العيان عنده

ونشوف ال lead اللى فيها lead اتنين وتلاتة و aVF دا بتاع ال Inferior

Lead واحد و aVL بتاع ال high lateral

وهكذا،

مااااشي؟؟؟ باشمهندسین؟؟ یا دکاترة؟؟

ال ST segment

لو لقيت ال ST segment elevation

pericarditis لو في كل ال leads بيقا

لو بعض ال Leads يا Myocardial infarction

Prinzmetal's angina 6

Myocardial infarction يس إحنا هنقول

خلااااااااااا؟؟

لو لقيت ST segment depression :

في كل ال Leads :

- Digitalis ال
- hypokalemia ال
- pericarditis ال

بس الي هينزل في الإمتحان ,, ال Digitalis
وتبقا sagging

لو لقيت ST segment depression
في بعض ال leads
,, Angina

بس بعد ما أعمل exclusion ال bundle branch block وال cardiac hypertrophy

أي ST segment elevation
هقول معاها hyper acute T

وأي ST segment depression
هنقول معاها inversion of T wave

حد فاهم أي قطران ☺
فاضلنا بقا لو جالك rhythm strip
عارفين يعني إيه **rhythm strip ???**
يعني مجابلكش ECG كامل
جابلك lead واحد بس ,, مسجل منه ضربات كتير
واضح ???

لو جابلك rhythm strip
ال rhythm strip ليه إسكيم بنمشي عليه
ليه إسكيمية هنمشي عليها ,, واضح ??

Rhythm Strip

بصوا معايا كده ☺
يا كباتن ,, هكتب الإسكيم بتاع ال rhythm strip
ال rhythm strip القاعدة بتقول فتش عن ال P ☺ شرشيله بي (يعني فتش عن البي بالفرنساوي ☺ زي ما قولتها ☺)
مين من المنصورة ???
شرشيله بي : P
ما علينا ☺

القاعدة إنك لما يجيلك rhythm strip
تدور على مين ???
ال P wave
دور على ال P wave

لو ال P wave لقيتها present
هكتب الإسكيم وبعدين نبقا نشرحه ☺
محدث يكتب ورايا (الكلام ده مش ليا طبعاً)

للأسف الجزء ده الدكتور محمد ,, عاد كلام كثير ,, وبعد ما كتبت الكلام
حسيت إن الكلام ده هيلخبط الي هيقراً الكلام ,,
فحببت أنقله من كلام الدكتور علام أفضل ,, إن شاء الله

أنا دلوقتي جالي

regular long strip

وشوفت ال rate لقيته tachycardia

أقوم باصص على إيه ???

على ال QRS

ألاقيها حاجة من الاتنين :

• يا deformed

• يا Narrow normal

عارفين لو deformed ,, يبقىخلصت

يبقا مين ??

ventricular tachycardia

طب لو لقتها Narrow normal

أبص على ال P

هتلاقي ال P wave حاجة من ثلاثة

• يا أما single

• يا أما multiple

• يا أما حاجة ثانية

لو لقتها single يبقى دي sinus tachycardia

أظن الكلام واضح

يعني كل P wave بعدها QRS T بس ماشية بسرعة بسرعة

طب لو لقتها multiple P

وهنلاقي أسنان المنشار

يعني Atrial flutter

أي حاجة ثانية

يبقا Supra ventricular tachycardia

أظن الفروقات بينهم مش صعبة يعني

واحدة هتلاقي عندك deformed QRS من الأول
ومأنتش عارف تقرأ أي حاجة
يبقا دي ventricular tachycarida

واحدة تانية هتلاقيها ماشية طبيعية بس بسرعة
يبقا دي sinus tachycardia

واحدة تالتة هتلاقي فيها multiple P
هتلاقي فيها أسنان المنشار
مبغلطش فيها إن شاء الله
Atrial flutter

والأخيرة
ال P wave ممكن أي حاجة تانية
تبقا Supra ventricular tachy cardia

Regular bradycardia ال

خمس حاجات

- Sinus bradycardia
- first degree heart block
- Mobitz two
- third degree heart block
- Nodal rhythm

إيه الكلام ده ؟؟؟

تعال نشوف

لو لقيت عندي regular bradycardia
إحنا دلوقتي sinus bradycardia

يعني إيه ؟؟؟

كل حاجة طبيعية
بس ماشية براحة

يعني إيه first degree heart block ؟؟؟

يعني Just prolonged PR interval

يعني إيه Mobitz two ؟؟؟؟

يعني regular drop of QRS complex

يعني إيه third degree heart block ؟؟؟؟

يعني deformed QRS

و AV dissociation

يعني إيه nodal rhythm ؟؟؟؟

يعني ال A.V. node بقت هي ال pace maker

لما تبقا ال A.V. node هي ال pace maker

في هذه الحالة ال P هتيجي من تحت لفوق

تبقا inverted

أو تحصل أثناء ال QRS تبقا absent

تعال ننظم الكلام ده

لو لقيت عندك regular bradycardia

هتقوم باصص على ال QRS

يا أما تلاقها deformed

يا أما Narrow normal

لو deformed بيقا مين ؟؟؟

مفيش غيره ال third degree heart block

أمال لو لقيتها Narrow normal

تبص على مين ؟؟؟

ال P wave

هتلاقي ال P wave

يا أما single

يا أما Multiple

يا أما أي حاجة تانية

لو لقتها single بيقا sinus bradycardia او first degree heart block

هتميزه إزاي ؟؟؟

في ال first degree heart block

هتلاقي just prolonged PR interval

أما لو لقيت ال P wave دي multiple؟؟؟

دي Mobitz two

طب إزاي تفرق ال Mobitz two من ال Atrial flutter؟؟؟

ال Mobitz two دا عنده bradycardia

وال atrial flutter دا عنده tachycardia

طيب لو لقتها أي حاجة ثانية

أي حاجة ثانية

مفيش غيرها اللي هي طبعا Noda rhythm

ده طبعا ال diagnostic approach لو جالك long strip

لازم تعلق على ال rhythm على ال rate تبص على ال QRS بالمنظر ده

وبعدين تبص على ال P بحيث إنك تشخص

طبعا هو ليلة الإمتحان هتقعد تموت نفسك

في الحيتين دول

تقعد تحفظ الإسكيم بتاع ال segmented

هبص على ال P

هبص على ال QRS

هبص على ال ST segment

وبعد كده ال Long strip هأبص على الكلام ده

بحيث إنك إن شاء الله تعرف تشخصها بمنتهى السهولة

لله الحمد والمنة والثناء الحسن ,, تم الإنتهاء من تفريغ ال ECG للدكتور محمد الشافعي

وبعض الإضافات للتوضيح

ربنا يبسر ويكون شيء ينتفع به ,, دلوقتي الساعة العاشرة و 8 دقائق مساءً

يوم الأربعاء الموافق 13 نوفمبر 2013

لمزيد من المواد المفردة

على الفيس بوك

صفحة تفريغ المواد الطبية

 /dr.tafreegh

www.facebook.com/dr.tafreegh

نحبكم في الله
إذا عجبك أي شيء متفرغ تابع لصفحة أو جروب
تفريغ المواد الطبية
وحبيت حضرتك تنقله اتفضل
بذكر المصدر أو بدون
المهم إن المعلومة توصل لغيرك
واحتسب إنك بتوصل معلومة لغيرك
وإن شاء الله لك من الأجر الكثير بإذن الله
ويكون في خدمة الإسلام
ويكون سبب في علاج مريض باختلاف اسمه أو جنسه أو دينه
اللهم اجعل عملنا خالصاً لوجهك الكريم
اللهم آمين
سلام بقا ☺